

UUT'T OLDE VODDEN

De kotte tied dat'tzommer was
Dee lóp al weer nóa ut ende,
De zommer dee begint ok pas
As de däge kot; nò
zunnewende.
tZat ter dus meténe al in
Dat ut achteruut zol goan,
Umdat de zonne vanaf dat
begin
Kotter an de loch zol stoan.
As de däge al goat inkotten
Kump de zommer dus pas
gangs,
Wiej zólt an afgang wen'n
motn
Zek de mense hier wel mangs.

Ie heurt ok we', de langste dag
Mos neet ant end van de lente,
As ut an somge mense lag
Verandren ze dee frekwente.
dLangste dag wilt ze wat later
Neet an ut zommers begin
Dat vindt ze is toch'nflater,
Dee heurt ter midden-in.
Zo hef tr ene nò veurn ebrach
Datte zommerdage egáler wil,
Begin ent end van'nzommer
mag
Neet weèn zon groot verschil!

As'nzommer zo in juni begint
Dan ist slim lange lich
Das iets dat mènngéne mint
Door ok nooit genug van krig.
Moar tut zowat septembers
end
Geet de zommer dan nog deur,
En dee tied buw van gewend
Dan heffe veloorn zien fleur.
Ie zeuk dan neet meer'tlommer
De zonne is dan kwiet eur
faam,
tMag weèn bie'n
kránenzommer
Moar dee kump al heel
zeldzaam.

Want as ut hoas oktober is

Wod de nachte al weer lange
En'tweér vake al deúnig fris
Dat zit ons wel wat krange.
Dat tut dee fied de zommer lóp
Vindt somgen toch een gebrek,
Veral umdat'tok walikolde
opróp
Das veurn zommermoand te
gek!
Dee wilt oe ant vestand brengn
En probeert oew af te troèven
Ze kónt'nzommer neet
velengen
Dórm wilt z'um wat
veschoèven.

Wat noe juni-september is
Dat mot iej dan vegetten,
Een grote moand zek ze beslis
Wilt zee de zommer vezetten.
Zo van mei tut half augustus
Das better tied zo somgen zèen
Dan bunt alle dage lang en dus
Heurt ut dan zommer te weèn.
Dat te zeg'n is heel neet niej
Ok vrógger kwam'twel nóa
veurn
Zo te proaten is vriej
Dórm zal'tnog neet gebeurn!

Want'nzommer in de lange
dage
Dat vinne wiej dan wel leuk
Moor ast eers kolt is gestage
Steet d'dag in'n slechte reuk.
De zonne kump in ut veurjoar
Elke dag iets kotter bie,
Dat veloop, al geet ut zwoar
Doormet bunne wiej ech bliej,
Moar land, luch en water
Bunt kolder dan as stenen
tWod warm pas'ntied later
Nòdat de zonne'thef
beschenen.

As d'zon zich dr òver ontfermt
Wod eers warmte
geabsorbeerd,
Opeslopt, wat neet vól

vewarmt
Kelte wod veur'ndéél ekeerd.
Ai in huus de kachel anmaakt
Is ut neet metéén behágeluk
Pas as warmte alle huuke
raakt
Wod ut door better drágeluk.

Warmte mot eers deur dringen
En zee wod ok pas constant
As vewarmd bunt alle dingen
Déé ók warm bunt an alle
kant.

Zó ist hier ok int veurjoar,
As de zonne nóa bōven krup
Zuute niks as natte kelte door
Woare men'ge dag nog in
vezup.

Dat duurn vake een hele hót,
Umdat tr ok vólle wolke
waarn
En'tvake rēgent dat ut gót
Kon zunnewarmte neet gaw
aar'n.
Meestied tut de langste dag
Blif ut doordeur wat te kolt
De zonne hef nog weinug krach
Hoowel de tied al wieter rolt.

Ut wod hier pas heite of heet
Ze proat ok wel van "bakken"
As d'zonne op de trugweg geet
En weer zachjes geet
af-zakken.
De éérde, zee, de hele natuur
Is veúr-ewarmd, neet meer
kolt
Helios gif dan'n temperatuur
Woar wiej zo aw zekt van holt.

Zommer is ut nooit zo vrog
Hee begint as de dage al kot
Dan pas zit ter in de loch
Warmte, woar wie 'tvan hebn
mot!

OME JEHAN